


## Su'aalaha Badanaa La Isweydiiyo

### ODDS iyo dhammaadka xaaladda gurmada caafimaadka dadwaynaha COVID-19 (PHE)



Maalinta ugu dambaysa xaaladda gurmada caafimaadka dadwaynaha (PHE) ee COVID-19 waa 11-ka Maayo, 2023. Xaaladda gurmada caafimaadka dadwaynaha (PHE) waxaa oggolaaday dawladda fadaraalka ah iyo Xafiiska Adeegyada Naafiyada Korriinka (ODDS) si loogu sameeyo isbeddalo kumeelgaar ah siyaasadaha iyo habraacyada si looga ilaaliyo dadka COVID-19. Su'aalaha badanaa la isweydiiyo waxay idinka caawin doonaan adiga iyo qoyskaaga inaad ogaataan waxyaabaha la filan karo.

**S:** Goorma ayay dhammaanaysaa xaaladda gurmada caafimaadka dadwaynaha (PHE)?

**J:** Maalinta ugu dambaysa ee xaaladda gurmada caafimaadka dadwaynaha (PHE) waa 11-ka Maayo, 2023. La xiriir isu-duwaha adeegyadaada ama wakiilka gaarka ah haddii aad u baahan tahay macluumaad iyo taageero dheeraad ah. Waxay kaa caawin karaan oo gacan kaa siin karaan inaad qorshayso waxa xiga ee imaan doona.



**S:** Miyaa wali "haa" oo afka ah la isticmaali doonaa halkii laga isticmaali lahaa saxiix qoraal ah oo lagu dhigo dokumentiyadayda oo dhan kadib marka xaaladda gurmada caafimaadka dadwaynuhu (PHE) dhammaato?

**J:** Maya. Tani waxay ayaa dhammaanaysa 11-ka Maayo. Saxiix qoraal ah ama elektaroonig ah ayaa loo baahan doonaa in la saaro dokumentiyada sida Qorshaha Taageerada Qofka (Individual Support Plan). Waxaad gacanta ku saxiixi kartaa dukumeentiyada inta lagu gudajiro shirarka. Kulamada fogaan-araga ah marka lagu jiro, waad soo diri kartaa iyaga ama waxaad iimayl ugu diri kartaa maareeyaha kiiskaaga.



**S:** Ma u samayn karaa Qiimaynta Baahiyaha Oregon (ONA) oo idil si onlayn ama fogaan-arag ah kadib markay dhammaato xaaladda gurmada caafimaadka dadwaynaha (PHE)?

**J:** Maya. Qiimaynta Baahiyaha Oregon (ONA) ayaa uga baahan qiimeeyaha inuu si fool-ka-fool ah kuula kulmo si uu kuugu kuurgalo. Markay dhammaato xaaladda gurmada caafimaadka dadwaynaha (PHE) markay tahay 11-ka Maayo, dabacsanaanta in kulankan lagu qabto qaab onlayn ama fogaan-arag ah ayaa dhammaan doonta. Weli waxaad awood u yeelan doontaa inaad ku samayso qaybaha kale ee Qiimaynta Baahiyaha Oregon (ONA) onlaynka ama fogaan ah haddii aad doorbidayso.



**S:**

Miyaa isku-duwayaasha adeegyada wali loo oggolaan doonaa inay ka shaqeeyaan guryaha dadka badan deggan yihiin iyo xarumaha daryeelka xoojinta ee 24-ka saac markay dhammaato xaaladda gurmada caafimaadka dadwaynaha?

**J:**

Maya. Tani ayaa dhammaanaysa kadib 11-ka Maayo, 2023.



**S:**

Miyuu kulanka Qorshahayga Taageerada Shakhsiga ah noqon doonaa onlayn markay dhammaato xaaladda gurmada caafimaadka dadwaynaha PHE-da?

**J:**

Maya. Muddada xaaladda PHE-da, dawladdu waa ka tanaasushay shardigan. Kadib xaaladda gurmada caafimaadka dadwaynaha, marka la gaaro wakhtiga dib-u-cusboonaysiinta qorshahaaga, waxaad u kulmi doontaan fool ka fool. Kulamada kale waxay wali ahaan karaan fogaan iyadoo loo marayo taleefan ama teknoolojiyadda kale ee asturnaantaada ilaalinaysa.



**S:**

Miyaa Qorshayaasha Taageerada Shakhsiga la ansixin doonaa ama baddali doonaa mar labaad kadib xaaladda gurmada caafimaadka dadwaynaha?

**J:**

Maya. Tani ayaa dhammaanaysa kadib 11-ka Maayo, 2023. Haddii ay xaalad degdeg ah ka dhacdo dalka, gobolka, ama deegaanka, dabacsanaantan ayaa soo noqon karta. ODDS ayaa ku ogeysiin doonaa haddii arrintani dhacdo.



**S:**

Miyay waalidiintu sii ahaan karaan bixiyayaal lacag ku qaata carruurtooda yaryar ee leh baahiyaha taageero ee waawayn kadib markay dhammaato xaaladda gurmada caafimaadka dadwaynaha?

**J:**

Maya. Awooddani waxay ku xiran tahay xaaladda gurmada caafimaadka dadwaynaha (PHE) waxayna dhammaanaysaa kadi 11-ka Maayo, 2023. Sharci-dejinta Oregon waxay tixgalinaysaa xulashooyin si ay ugu oggolaadaan waalidiinta carruurta baahiyaha gaar ah qabta inay noqdaan daryeel-bixiyayaal lacag qaata. Haddii sharci-hoosad la meelmariyo, weli waxaa jiri doona farqi u dhexeeya muddada dhammaadka xaaladda gurmada caafimaadka dadwaynaha (PHE) iyo barnaamij kasta oo cusub oo loogu talagalay daryeel-bixiyayaasha waalidka lacagta qaata ah. Barnaamijka cusub ayaa laga yaabaa inuu ka duwanaado shuruudaha lagu xiray xaaladda gurmada caafimaadka dadwaynaha (PHE). 11-ka Maayo 2023, waa maalinta ugu dambeysa ee waalidku u shaqayn karo daryeel-bixiyaha lacag qaata ahaan oo daryeela ilmahiisa yar.



**S:**

Miyaa taariikhda dhammaadka Qorshahayga Taageerada Shakhsiga ah lagu dari doonaa hal sano oo kale iyadoon la kulmin kadib markay dhammaato xaaladda gurmada caafimaadka dadwaynaha?

**J:**

Maya. Tani ayaa dhammaanaysa kadib 11-ka Maayo, 2023. Dhammaan ISPs-yada waa inay dib u cusboonaysiin sameeyaan sannad walba marka xaaladda gurmada caafimaadka dadwaynaha (PHE) ay dhammaato.



**S:**

Miyaa waxyaalaha ka reebban daryeelka caawimaada inta lagu jiro saacadaha iyo hawlaha dugsiga sii socon doonaan kadib markay dhammaato xaaladda gurmada caafimaadka dadwaynaha?

**J:**

Maya. Xeerarka fadaraalku waxay uga baahan yihiin ODDS inay joojiyaan waxyaalaha ka reebban daryeelka caawimaada inta lagu jiro saacadaha iyo hawlaha dugsiga markay dhammaato xaaladda gurmada caafimaadka dadwaynaha.



## “Maxaa kale oo isbeddelaya marka xaaladda gurmada caafimaadka dadwaynaha (PHE) ay dhammaato?”

**S:** Miyay bixiyayaashaydu wali xiran doonaan afaaab markay igu caawinayaan guriga kadib markay dhammaato xaaladda gurmada caafimaadka dadwaynaha (PHE)?

**J:** Oregon waxay dadka ka dhaaftay shuruudaha maaskarada ee loogu talagalay goobaha daryeelka caafimaadka, oo ay ku jiraan adeegyada ODDS, 3-da Abriil, 2023. Weli waxaad uga baahan kartaa daryeel-bixiyahaaga inuu xirto maaskaro. Kahor inta aysan imaan guriga, daryeel bixiyayaashaadu waa inay idiin weydiiyaan adiga iyo qoyskaaga haddii aad rabtaan inay xirtaan maaskaro iyo in kale.



**S:** Miyey bixiyayaashu wali soo sheegi doonaan kiias sheegaya in COVID-19 jiro marka la eego dadka hela adeegyada loogu talagalay ODDS marka xaaladda gurmada caafimaadka dadwaynuhu dhammaato?

**J:** Maya. U soo sheegida ODDS in cudurka dad laga helay looma baahna. Daryeel-bixiyayaasha waa inay weli u soo sheegaan kiisaska togan ee cudurrada faafa ee halista ah maamulka caafimaadka dadweynaha ee deegaankooda.



**S:** Miyaa saacadaha daryeelka caawinta ee badan ee carruurta ee loo qoondeeyo bilaha xagaaga wali la heli karaa bilaha dugsiiga la dhiganayo marka xaaladda gurmada caafimaadka dadwaynuhu dhammaato?

**J:** Haa. Tani lama xiriirto xaaladda gurmada caafimaadka dadwaynaha (PHE). Haddii ilme wali u baahan yahay inuu helo saacado taageero oo badan xilliga xagaaga, shaqadan waa sii socon doontaa ilaa ogaysiis dambe. ODDS xog badan ayey bixin doontaa kahor shaqadan intayna dhammaan.




**S:** Hadda, marka qof ku sugan guriga dadka kooxaha wadaagaan ee 24-ka saac ah ama guriga daryeelka korrinta laga helo COVID-19, booqashooyinka dadka bannaanka ka imanayaa way joogsan doonaan ilaa dhammaan dadka guriga ku sugan laga waayo cudurka. Miyey tani isbaddali doontaa markay dhammaato xaaladda PHE-da?

**J:** Waa laga yaabaa. Tani degmooyinku waa ku kala duwanaan doonaan. Maamulada caafimaadka dadwaynaha deegaanka ayaa u sheegi doona bixiyayaasha xayiraadaha ku saabsan cudurrada dillaaca. La xiriir xafiiska deegaankaaga si aad u hesho macluumaad dheeraad ah.

### Siyaabaha looga badbaadi karo COVID-19



U dhaq gacmaha si joogto ah



Ilaali kala fogaanshaha masaafada bulshada



Xiro maaskaro markaad xanuun dareento